

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 120. sjednici, održanoj dana 09.09.2021. godine, d o n o s i

ODLUKU

Član 1.

(Predmet)

(1) Raspodjela sporednih potraživanja (zakonska zatezna kamata) uplaćenih po presudi Općinskog suda Sarajevo broj: 65 0 Ps 136193 19 Ps 2 od 28.02.2019. godine od strane JP Elektroprivreda BiH u iznosu od 1.526.105,00 KM, izvršit će se na isti način na koji je izvršena i raspodjela glavnog duga na osnovu propisa koji su bili na snazi u vrijeme nastanka glavnog duga.

(2) U skladu sa Odlukom o načinu raspodjele Fonda za zaštitu okoline („Službene novine Zeničko-dobojskog kantona“ broj: 9/03), sredstva iz stava (1) raspoređuje se tako da 20% pripada Zeničko-dobojskom kantonu, dok se 80% sredstava usmjerava u budžet Općine Kakanj.

Član 2.

(Namjena korištenja sredstava i izvještavanje)

(1) Sredstva iz člana 1. ove odluke utrošiti će se kao namjenska sredstva u skladu sa Programom utroška sredstava Ministarstva za prostorno uređenje, promet i komunikacije i zaštitu okoline.

(2) Ministarstvo za prostorno uređenje, promet i komunikacije i zaštitu okoline dužno je polugodišnje izvještavati Vladu Zeničko-dobojskog kantona o utrošku sredstava.

Član 3.

(Realizacija odluke)

Za realizaciju ove odluke zadužuju se Ministarstvo za prostorno uređenje, promet i komunikacije i zaštitu okoline, Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Mirnes Bašić

Broj: 02-11-12221/21

Datum, 09.09.2021. godine

Zenica

DOSTAVLJENO:

1x Ministarstvo finansija,

1x Ministarstvo za prostorno uređenje,

promet i komunikacije i zaštitu okoline,

1x „Službene novine Zeničko-dobojskog kantona“,

1x a/a.